

Mensahe Dalawa

Pagdating sa Pinakamataas na Rurok ng Dibinong Pahayag

Babasahin sa Kasulatan: 1 Tim. 1:4; Efe. 1:10; 3:9; Roma 1:3-4

I. Ang pinakamataas na rurok ng dibinong pahayag na ibinigay sa atin ng Diyos ay ang pahayag ng walang hanggang ekonomiya ng Diyos—ang Diyos na naging tao upang ang tao ay maging Diyos sa buhay at sa kalikasan ngunit hindi sa pagka-Diyos:

- A. Ang buong Biblia, na siyang pagpapaliwanag ng walang hanggang ekonomiya ng Diyos, ay ang talambuhay ng Tres-unong Diyos, na makikita sa dalawang seksiyon ng kawalang-hanggan at sa tulay ng panahon:
1. Ang Tres-unong Diyos ay dumating mula sa kawalang-hanggan tungo sa panahon at taglay ang Kanyang pagkadibino ay pumasok sa pagkatao upang maging ang nagkatawang-taong Diyos para sa Kanyang tuwirang pagkilos sa loob ng tao, na makikita sa apat na Ebanghelyo, para sa pagsasakatuparan ng Kanyang pambatas na pagtutubos—Juan 1:14, 29.
 2. Sa pagkabuhay na muli, Siya ay naging ang timpladang Diyos, ang "naprosesong" Diyos, ang nagpapaloob ng lahat na Espiritung nagbibigay-buhay, na makikita sa Mga Gawa at mga Liham, para sa pagsasagawa ng Kanyang organikong pagliligtas—Juan 1:32, 42; 1 Cor. 15:45b; Fil. 1:19.
 3. Sa kawalang-hanggan hinaharap, Siya ay magiging ang sama-samang Diyos, ang Bagong Herusalem, na makikita sa Apocalipsis 21 at 22.
 4. Ang pansansinukob, dibino-pantaong paglalakip ng naproseso at napasukdol na Tres-unong Diyos sa mga naisilang na muli, natransporma, at naluwalhating mananampalataya ay ang gol ng walang hanggang ekonomiya ng Diyos—Juan 1:51; Apoc. 21:3, 22.
 5. Ang sentrong pahayag ng Diyos at ng pagbabawi ng Panginoon ay ang Diyos na naging laman, ang laman na naging Espiritung nagbibigay-buhay, at ang Espiritung nagbibigay-buhay na naging ang pitong ulit na pinatinding Espiritu upang itayo ang ekklesia na nagiging Katawan ni Kristo at napasusukdol sa Bagong Herusalem.
- B. Ang Diyos na naging tao upang ang tao ay maging Diyos sa buhay at sa kalikasan ngunit hindi sa pagka-Diyos ay ang esensiya ng buong Biblia, ang "diyamante" sa loob ng "kahon" ng Biblia, ang walang hanggang ekonomiya ng Diyos—Gen. 1:26; Juan 12:24; Roma 8:29:
1. Ang Diyos ay naging tao sa pamamagitan ng pagkakatawang-tao sa pakikibahagi sa pagkatao ng tao; ang tao ay nagiging Diyos sa pamamagitan ng transpormasyon sa pakikibahagi sa pagkadibino ng Diyos:
 - a. Pakikibahagi sa buhay ng Diyos—Juan 3:15; Col. 3:4.
 - b. Pakikibahagi sa kalikasan ng Diyos—Efe. 1:4; 2 Ped. 1:4.
 - c. Pakikibahagi sa kaisipan ng Diyos—Efe. 4:23; Fil. 2:5.
 - d. Pakikibahagi sa pang-esensiyang katangian ng Diyos—2 Cor. 3:18b; Efe. 3:8.
 - e. Pakikibahagi sa larawan ng Diyos—2 Cor. 3:18a; Roma 8:29.
 - f. Pakikibahagi sa kaluwalhatian ng Diyos—b. 30; Heb. 2:10.
 - g. Pakikibahagi sa pagkaanak ng Diyos—Efe. 1:5; Roma 8:23.
 - h. Pakikibahagi sa pagpapakita ng Diyos—b. 19.
 - i. Upang taglayin ang wangis ng Diyos—1 Juan 3:2.
 - j. Upang maging uri ng Diyos—espesye ng Diyos—Juan 1:12; Roma 8:14, 16.

2. Ang dibino-pantaong pag-iibigang ito ay ang paksa ng buong Biblia, ang nilalaman ng ekonomiya ng Diyos, at ang lihim ng buong sansinukob—A. A. 1:1; 6:13.

II. Ang mataas na rurok ng dibinong pahayag—ang "diyamante" sa loob ng "kahon" ng Biblia—ay ang pahayag na sa loob ni Kristo ang Diyos ay naging tao upang ang tao ay maging Diyos sa buhay at kalikasan ngunit hindi sa pagka-Diyos—2 Sam. 7:12-14a; Roma 1:3-4; Efe. 3:17a:

- A. "Ang Diyos na naging tao at ang tao na nagiging Diyos" ay ang ekonomiya ng Diyos—1 Tim. 1:4.
- B. Ang walang hanggang ekonomiya ng Diyos ay ang gawin ang tao na katulad Niya sa buhay at kalikasan ngunit hindi sa pagka-Diyos at ang gawin ang Kanyang sarili na kaisa ng tao at ang tao na kaisa Niya, sa gayon ay mapalaki at mapalawak sa Kanyang kahayagan, upang ang lahat ng Kanyang dibinong katangian ay maihayag sa mga pantaong kagalingan—Efe. 3:9; 1:10:
 1. Ang mabuting kaluguran ng Diyos ay ang maging kaisa ng tao at gawin ang tao na katulad Niya sa buhay at kalikasan ngunit hindi sa pagka-Diyos—bb. 5, 9.
 2. Ang Diyos ay naging tao upang magkaroon ng malakihang pagpaparami ng Kanyang sarili at sa gayon ay magbunga ng isang bagong uri—Diyos-taong uri—Juan 1:1, 14; 12:24.
- C. Para sa pagsasakatuparan ng ekonomiya ng Diyos, kailangan natin ang Diyos na itayo ang Kanyang sarili sa loob ni Kristo tungo sa loob natin bilang ating buhay, ating kalikasan, at ating pagkakabuo upang gawin tayong Diyos sa buhay at kalikasan ngunit hindi sa pagka-Diyos—Efe. 3:17a; Col. 3:4, 10-11.
- D. Ang Diyos ay naging tao sa pamamagitan ng pagkakatawang-tao; ang tao ay nagiging Diyos sa pamamagitan ng pagsisilang na muli, pagpapabanal, pagpapabago, pagtatransporma, pagwawangis, at pagluluwalhati—Juan 3:5-6; 1:12-13; Roma 6:19, 22; 12:2; 8:29-30.

III. Tanging sa pamamagitan ng pagiging tao ng Diyos upang gawing Diyos ang tao maibubunga ang Katawan ni Kristo; ang puntong ito ang mataas na rurok ng pangitaing ibinigay sa atin ng Diyos—b. 3; 1:3-4; 8:14; 12:4-5:

- A. Ang Diyos ay naging tao upang gawing Diyos ang tao nang sa gayon ay maibunga Niya ang Katawan ni Kristo—ang organismo ng Tres-unong Diyos, na ang sukdulang pagpapakita ay ang Bagong Herusalem—Efe. 1:22-23; 4:4-6; Apoc. 21:2, 9-10.
- B. Ipinakikita ng Biblia sa atin kung paano maaaring maging Diyos ang tao upang magkaroon ng Diyos-taong pamumuhay at sa gayon ay maging organismo ng Diyos—Roma 1:3-4; 12:4-5:
 1. Ang organismong ito ay ang Diyos na inihuhugpong at isinasama ang Kanyang sarili sa tao upang gawing Diyos ang tao.
 2. Ang kinalabasan ng pagiging tao ng Diyos at pagiging Diyos ng tao ay isang organismo; ang organismong ito ay ang Katawan ni Kristo—ang pakikipag-isa at pagsasama ng Diyos sa tao—Efe. 4:4-6, 12.
- C. Isinugo ng Diyos ang Kanyang Anak upang maging tao at upang mamuhay ng Diyos-taong buhay sa pamamagitan ng dibinong buhay; ang gayong pamumuhay ay nagreresulta sa pansansinukob na tao na eksaktong katulad Niya—isang sama-samang tao na namumuhay ng isang Diyos-taong buhay sa pamamagitan ng dibinong buhay—Roma 8:3; 12:4-5.
- D. Ang realidad ng Katawan ni Kristo ay ang pakikipag-isa at pagsasama ng Diyos sa tao upang ipamuhay ang sama-samang Diyos-tao—Efe. 4:4-6, 24.